



Ministarstvo poljoprivrede, šumarstva i vodoprivrede HNŽ-K
Ministarstvo poljoprivrede, šumarstva i vodoprivrede HNK
Министарство пољопривреде, шумарства и водопривреде ХНК

Broj: UP/I-05-21-27-1/26

Datum: 4. 2. 2026.godine

Ministarstvo poljoprivrede, šumarstva i vodoprivrede Hercegovačko-neretvanske županije/kantona, na osnovu članka 56. Zakona o vodama Hercegovačko-neretvanske županije/kantona („Narodne novine HNŽ“, broj:06/2013) i članka 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“, broj: 31/15,55/19, 41/20 i 63/22), dana 4. 2. 2026. godine daje sljedeće

OBAVIJEST

o podnesenom zahtjevu za izdavanje PRETHODNE VODNE SUGLASNOSTI

Ministarstvo poljoprivrede, šumarstva i vodoprivrede, a po zahtjevu Ministarstva prometa i veza HNŽ/K, koje je isto podnijelo ovom organu dana 30. 1. 2026. godine, je pokrenulo postupak za izdavanje Prethodne vodne suglasnosti za rekonstrukciju mosta na cesti R-437 u naselju Buturović Polje.

Podaci o podnesenom zahtjevu:

<i>Broj zahtjeva:</i>	UP/I-05-21-27/26
<i>Podnosilac zahtjeva:</i>	Ministarstvo prometa i veza HNŽ/K Mostar
<i>Lokalitet:</i>	Buturović polje k.č. 1789 i k.č. 1805 K.O. Buturović Polje, grad Konjic
<i>Vrsta objekta/aktivnosti</i>	Rekonstrukcija mosta na cesti R-437 u naselju Buturović Polje
OPIS OBJEKTA / AKTIVNOSTI: U sklopu projekta LOT 2 – Izrada glavnog projekta rekonstrukcije ceste R-437, dionica most Ostrožac- benzinska pumpa u Buturović polju, separat most Buturović Polje, planirana je rekonstrukciji mosta na cesti R-437 u naselju Buturović Polje koji se nalazi u blizini stadiona FK Klis. Naime povećanje vodostaja rijeke Neretvice između 3. i 4. listopada 2024. godine uzrokovalo je potpunu devastaciju predmetnog mosta. Postojeći most na predmetnoj lokaciji značajno je oštećen uslijed slijeganja oporca, a do slijeganja je došlo uslijed potkopavanja oporca.	

Most će biti izgrađen kao integralna konstrukcija bez ležišta i dilatacija, koja je izgrađena od armiranog betona. Most je predviđen za automobilsko-pješački promet. Ukupna korisna širina mosta je 8.60 m, a ukupna korisna širina sa maskama je 9.20m. Most je u pravcu. Niveleta na mostu je dužinom u padu 2,57%, a poprečni nagib kolovoza na mostu je 2,5%. Fundiranje se predviđa na bušenim šipovima prečnika 900 mm sa ukopavanjem u osnovno tlo-geološki supstrat. Obalni stubovi U1 i U2 se temelje na 4 šipa Ø 900 dužine cca 15.0 m. Srednji stubovi S1-S2 se temelje na po 3 bušena šipa Ø 900 mm sa naglavnom gredom visine 1.2 m.

Stubovi U1 i U2 se oslanjaju na bušene šipove, sastoje se od tijela stuba, te nazidka na koji se oslanja prelazna ploča dužine 6.20 m i debljine 25 cm. Krila su zakošena u odnosu na osovinu mosta, a sastoje se iz visećeg dijela. Ukupna širina obalnih stubova je 8.60 m. Srednji stubovi mosta riješeni su u vidu platna izduženog četvrtastog oblika sa zaobljenima na bočnim stranama. Svi stubovi su kruto vezani sa rasponskom konstrukcijom. Srednji stubovi su debljine 80 cm u podužnom smjeru. Stubovi se oslanjaju na naglavne grede dimenzija 8.40x1.20x1.20m iznad bušenih rupa. Premoštenje rijeke Neretvice izvršeno je sa integralnom kontinualnom konstrukcijom, monolitnog poprečnog presjeka raspona 10+18+10=38 m. Ukupna dužina mosta zajedno sa krilima iznosi 46.30 m. Poprečni presjek mosta je puna ploča visine 0.90m i konzole pješačke staze visine 0.35-0.25m.

Sva zainteresirana lica, svoje eventualne primjedbe, prijedloge i sugestije po ovom pitanju, mogu u **roku od 5 dana od dana objavljivanja ove obavijesti u dnevnom glasilu dostupnom na području HNŽ/K** dati usmeno na zapisnik u prostorijama Ministarstva ili dostaviti u pisanom obliku neposredno ili putem pošte na sljedeću adresu: Ministarstvo poljoprivrede, šumarstva i vodoprivrede; Ul. Hrvatske mladeži bb 88000 Mostar.



Dostavljeno:

- oglasna ploča MPŠV HNŽ/K
- web stranica MPŠV HNŽ/K
- a/a